

八瓊室金石補正續編

法雲禪院牒并記及碑陰

高連額三尺一寸七分廣一尺九寸五分上截牒十二行
行字多寡大小正行不一下截記十八行行九字字徑八
分正書
在曲陽

敕賜瀋雲禪院篆額

尚書禮部牒

定州曲陽縣南馬村僧善照明道村人甄寶等狀告本院
自來別無名額今納訖錢買立法雲禪院勘會是實須至
給賜者

牒奉

勅賜法雲禪院牒至准

勅故牒

大定三年八月七日令史向昇主事安假權郭

奉直大夫行大常博士權負外郎劉

中憲大夫行負外郎李

宣威將軍郎中耶律

侍郎

中奉大夫禮部尚書兼翰林學士承旨知制誥修國史王

右

上

法雲禪院之記

嘗聞禹治水也開九河而列九州周修德也奉三才而立三

教猶是佛道巨興儒風大顯修設寺觀學校使人歸奉焉大
唐天寶六載村衆建祠於長清溝之南至十月後三日畢又
至大定三年請本州天圃寺僧善照本院僧明道村衆甄寶
等共贖名額

勅賜曰法雲鳩集資贖命工摸刻于石以記之

時大金大定十三年歲次癸巳二月四日立

僧善照明道惠全 石匠人石寶刊

碑陰

高二尺二寸廣同前十四行
行十九字字徑一寸正書

易曰善不口口足以成名故善積而名顯矣今口口口襲先

代□□風敦崇三教□其祠而設其像勅加名額維那頭等
清名豈不偉歟今具諸維那頭姓名如右 何道 何寬

何崇 甄宝 何之 張清 蘇堅 邱準 張玘 何沂

蘇元 蘇全 李□ 邱榮 張方 鄭興 董榮 張

和 劉□义 劉榮 何登 張方 張全 蘇寬 □勉

杜明 何直 何資 張遂 邱俊 杜□□史張氏 1

欽 張□希 蘇清 杜□哥 孟元董真 史張氏

張林 □善

特授進義校尉何圻

特授保義校尉□進

供奉班祇候前蘇州商酒稅使常□頁

永平院祖師塔記并宗派圖

拓本五面高三尺六寸廣一尺一寸第一二面額下經
各十行行三十餘字不一第三四面記各十行行三十五
字字均徑七八分正書雜行
筆弟五面圖字剝蝕已甚

佛頂尊勝祖師之塔額刻兩面經咒之上各二行
行二字字徑二寸五分正書

佛頂尊勝陀羅尼

經文
不錄

奉為祖師并諸含識刊斯秘呪伏願見聞者脫離幻塵速

登覺岸

右一
二面

永平院祖師塔記

金大定十二年七月

大定十二年秋七月以講僧維本緣講終歸本院會住持維
脩論及祖師并諸徒弟亡歿多載但土穴星葬月往歲深難
記其跡然以先師恩厚塔無所建碑無所刊則孝悌無所彰
報恩無所聞當共捨金帛為祖師四靈同建一塔維宇下徒
弟共封一塔兼使後寂滅者有所歸焉其僧維脩遂遍諮法
屬皆稱曰善由是斯緣得成辨矣 茲塔所寔者祖師名

彥師翁諱智海師伯諱惠懷三位高躅歲遠難追先師諱慧
澄姓鄭氏世居濟南家代以奉持五禁崇孝義以清修不仕
不商植桑田而自濟師誕而相異父母因許出家既分桃李
之季卓異常童之操不喜謳曲之聲不視幻惑之色慈孝

酒

儉發乎天然年十五厭世出家依本府開元寺東羅漢院禮
智海為師崇圖二年比試經業得度既受戒已德珩儀盍敬
護無虧志潔冰霜童真梵行三衣備受不衣綾縠食必齋
慎無過午克意義學聽習經論緣阻歸本院修大殿一所造
釋迦靈像一龕後於卧牛山建永平院雖隆寒酷暑勇猛逾
堅竭力數年殿堂倫煖鍾魚集雲嶠之賓覩座昇弥天之匠
檀越樂施師心無怯凡得厚味必奉衆僧敬侍講師雖胼胝
手足未曾告勞於建炎間遇飢饉之際隨有所積給濟孤獨
死而復生者其數頗多皇統二年遇皇恩普度度弟子五
十一人常教門人曰今既拔俗出家當習聽經論自濟兼人

無得以世利縈纏妄逐塵染由是盡令依名德師友採聽脩
學其後徒中講法住持者數十人皆師慈誥有所得矣天德
三年十二月十一日無疾而終春秋八十二僧臘五十五四
東哀送葬於此山之陽今復建塔茲地師立行清高終老無
變其性剴直無諂無佞其心慈仁有救有歸昔以陳口少欲
弊複五錢慧休知足世唯一履師衣估唱僅及千文母遺一
被終身敷設宿止無所繫之房坐卧無嫌曠之觀杜多上行
孰可繼乎清風令德恐隨塵湮敬勒貞石以旌億劫云

右三
四而

東羅漢院宗派圖

橫額
七字

智因傳道揚州

祖師彥和尚□□□□

智海□□□□

附諸塔題字五

一高六寸廣一寸正書

一高廣同正書

祖

師無外和尚

之門公禪師

塔

此一面剝蝕已甚額下

凡八列第一列見此三

行第二列似有字數行

莫可辨識第三列以下

皆雜字派僧名可辨識

者無幾故不項錄

直歲戒心

典座成定

維那成通

立

性口

監寺道藏

浮

首座性真

真旺 書記惠通

知客戒南

圖

殿口口安

一 高五寸五分 廣一尺三寸 餘正書

進公 律師之塔

一 方七寸二行 行二字 字徑二寸五分 正書

詮和 尚塔

一 高九寸 廣一尺一寸五分 三行 行二字 字徑三寸餘 正書

灌師 輩普同塔

開元寺提點法性德行碑銘

高四尺六寸三分廣二尺二寸二行
行五十九字字徑六分正書在易州

提點性公德行之碑

篆額

開元寺故提點性公德行之碑銘 并序

當寺叅學沙門 恒伸 撰并書篆額

昔如來將入涅槃付囑國王大臣有力檀那建立道場莊嚴
佛境法王所以遺教於後使護持祈福之地迴向由聖之門
也蓋衆生以貪著之愛雖金玉滿堂唯能潤屋□□知□度
波羅蜜莫先於檀施也若乃祇承佛意心發菩提如給孤布
金於祇園者見其比國性公上人夙廣福田能從事於斯矣

師諱法性字真空定興縣容城鄉劉村人也其本以農桑力
穡爲務乃父劉遠母曰佟氏家世相襲質樸柔善時慶雲呈
瑞乃生我師初弄泥沙戲作佛事幼學文字言金經長至
十五容貌若愚內敬於行異於常見因擬議出家語曰鸞鳳
不棲棲則高梧鯤鵬不化化則巨海我爲佛子端依大寺越
明年落髮于易州開元寺寺口唐室開元中重建也爰及有
遼經之營之僅六百年凡蘭若勝地莫之與京基布星環二
十四院翠瓦朱楹金碧交映屹屹巍巍如地踴出師口錫於
西應氏院禮惠上人爲師適當亡遼建福間承恩具戒心逸
日休惟念作德及乎遼季士卒擾攘日徃月來十有餘年烽

煙不息土木於是乎鼓□□□於是乎凋弊加以急征暴斂財用不給僧衆遑遑又何暇願力必以葺之皇統間師為都和提揔寺事往考山之園用已衣資添栽栗樹歷年盡皆□□□□□有言曰燕秦千樹栗可同千戶侯吾信而行之良有以也每歲鹽利供給常住庶幾不失其所迺重修北張毗盧殿易上釋迦堂贖當寺□□□□□力建西高水碾一□問寺□典庫一所及施子本錢貳千貫常年息利以為九間殿旦望供佛及大眾永遠齋粥之費凡計青蚨不啻數十萬□□□□□絲必假遍戶□化師法力自然有神鬼之加賴如泉貨源流散而復聚酌之而無數用之而不竭於

是百工敲藝歲無虛月為力修東西五□□□□十五
間弊則新之修十方三世佛殿金璫畫簷寶塔之類弊則新
之修西經藏弊則新之修本院慈氏堂弊則新之又施錢貳
伯貫□本院□□□□□□利寶塔土址廟欄之類弊則新
之修前後三門至於埽墉崇峻內外華飾儼若天宮又於本
院門外特建舍利石塔一座如是功德舉□大□其□妙□
實以難名於戲非羅漢菩薩示現天神假手孰能致於此耶
師於大定十三年十月三十日示疾遺誠寺中尊宿三綱曰
善護常住勿令凋弊□□□□也又廼罄其衣資盡與常住
凡百後事一一囑下復云我乃徃日常歸依慈氏菩薩今已

見兜率天衆慈氏菩薩來迎吾必生於兜率天宮也言訖口
然坐化其了悟如是尊宿三綱與俗孫沙彌定現并姓劉慶
祥等具威儀茶毗於郡之西郊傾城縑素送行咸皆傷感洒
淚馬師俗壽七十九夏臘五十五三綱門人等收靈骨葬之
于碑堂墳起塔立碑紀其先師德行求文於恒伸不敢固辭
勉乃述其本末以為銘曰

佛老慈悲 作大誓願 救度群迷 說諸方便 將入

涅槃 付囑垂勸 卓哉吾師 應化出現 莊嚴佛境

施心不倦 請天之樂 圓覺有岸 巍巍功德 示

衆生見 怡然坐化 高天月轉 口口碑堂 松楸為

伴 行刻貞石 千古不變

大定十四年歲次甲午二月二十五日寅時尊宿三綱

而俗孫沙弥 定見等 建

天宮院

三字特大在
年月一行下

白馬寺舍利塔記

高一十五尺廣二尺三寸十六行四十七字字徑一寸題銜四行字數大小不一並正書在洛陽

大金國重脩河南府左街東白馬寺釋迦舍利塔記

河南府學正李中孚撰

男鄉貢進士 燮 書

浮圖氏之教大矣哉本西方聖人之設教也迨乎東漢明帝時則有若三藏曰摩騰竺法蘭以白馬馱經四十二章始流傳教法至于中州是時適卜府皇城之東二十餘里建精舍度僧徒創曰白馬寺中州之人奉釋氏者此自始厥後敬供香火相傳魏晉隋唐而下迄千有餘歲不絕洎五代之後粵

有莊武李王施已淨財於寺東又建精藍一區亦號曰東
白馬寺并造木浮圖九層高五百餘尺塔之東南隅有舊碑
云功既落成太祖親王之樂善賜以相輪王之三子又施
宅房廊曩角龜頭等僅百間每遇先大王夫人遠忌等曰
逐季齋僧一千五百人以崇追薦又一百五十餘季至丙午
歲之末遭劫火一炬寺與浮圖俱廢維留餘址鞠爲瓦子堆
茂草場者今五十載矣往來者視之孰不咨嗟嘆息焉噫天
壤之間古今而來事之廢興何代無之莫不係時與數而使
之然爾又奚足怪物極必反無何果麼大士自濁河之北
底此觀是名利荒榛圉墟徬徨不忍去一夕遽發踴躍特達

心過鳩工食造覽緣行如流四方雲會不勞餘刃而所費辦
集因塔之舊基剪除荒埋重建埽浮圖一十三層高一百六
十尺徘徊界宇洞并龜頭一十五所護塔墻垣三重甘露井
又立古碑五通左右焚經臺兩所叔子并塔門九座下矧脩
屋宇二十八間門牕大小三十七座其餘不可具紀不踰季
而悉就所願恭以臨濟之宗無畏之壇謹持六齋幸遇

明天子在上太守百里賢士大夫在位抑又天時物數若合
符節焉可見非我棲巖素乘時一舉手孰能起廢嗣興致
巍巍之功德能如是乎於告成之明日丐李中孚以記其事
中孚于 莊武王係六代孫祖知其要義不當辭是可書也

昔大定十五年五月初八日子是乎書

文林郎行河南府洛陽縣主簿馮煥

武義將軍行河南府洛陽縣尉驍騎尉孫 □

宣威將軍行河南府洛陽縣令上騎都尉廣陵郡開國子

食邑五百戶高師旦

定遠大將軍河南府判官輕車都尉漆水郡開國侯食邑

七伯戶耶律重哥

金吾衛上將軍河南尹上護軍彭城郡開國侯食邑壹仟

戶食實封壹伯戶唐括烏也建

修塔會首忠顯 □ □ 忠顯 □ □ 忠翊海岳 立石

本寺主□化緣僧文□

本寺尊宿僧沙門尼

泐及題銜三行字甚小在起末行

壽聖院僧雲潤塔記

高一尺七寸五分廣一尺四寸六分十七行
行十九字正書在唐縣西二十里北羅村

大金國定州唐縣東眉鄉北羅村壽聖院塔記

竊以人生而靜外物所誘好惡無節天理滅矣况慕空門而識性者乎其僧姓張諱雲潤本村人氏自童年師定州開元寺觀音院賜紫僧文惠至二十一受戒三十傳法無經不通名振河北自遠方來叅問者無數弟子一十六人出倫傳法者四人爲本院僧堂狹小化緣特脩不日而成安喜縣陳村善知識聞其感化特請住持塔院又建佛殿僧堂不勞力而一新後歸本院作資成大會三十餘日歡喜布施者無限其

化緣有如此矣奈何大定十五年三月二日歸真年五十四
泣淚送喪僧俗千万瞻仰隨從者數不能計嗚呼聰明過人
不及天壽自古有之顏回間一知十無終食之間違仁短命
死矣孔子傷云不幸何彼此異乎哀哉哀哉故刻石以記之

大定十六年三月日門人——智善 智深 張平

張旦 大姐張氏二姐張氏眷屬等

本村院主普仁

石峽懸空寺記

高一尺五寸廣一尺八寸二十二行十九字至二十四字不等字徑七分末題名二行字較小正書間有行草體

在潭源州南十里大峪口本寺

大定拾陸年重九後一日天晴氣爽日朗風輕因與□□同游邑之南六七里石峽橋棧頗若巴蜀之道則經商大驛路也風迴路轉仰看臨壑之數峯猶美目不暫捨□懸空之巖古之遺迹□自建興於何代又不知棲隱者誰也山巍峩之萬丈中焉鑿石為龕插木為樹上不至於山之巔下□於陸地懸空置屋四山掩映如博壁之翠解流水□湲瀉清聲之漱玉非丹青而圖畫者哉嗟乎一廢一興迄今幾壹百年矣

余閉目想之昔時遊行樂所了然可數若比於斯未之有也
真物事所輜之地也居此者以息其心俱忘物我久涪富貴
於浮雲甘受貧窶不憂戚弃骨肉侶棲枝宿鳥時暫同居凭
欄下視行人往還有如移蟻不生七情屏絕六慾衣麻布食
□以草木實為吾有形已知是患體輕清而圓同太虛遺骨
骸而復歸地大逢患難而不屈臨死生而不懼然後與天相
終是為常也訪二禪者乃敦朴之人也係雲中宣寧縣石佛
院僧也善慈四十有九住持不入俗門行滿七十二歲荷負
未嘗有憚相挈八季水乳難分順味猶同一日真大善知識
也始我樂而忘歸高述其極焉故為記耳

識破塵緣萬事休，
脩然歸去罷追求。
踈人墨壁鑿石磴，
厭俗懸崖置屋樓。
明月清風真衞用，
皴松瘦栢是吾儔。
經年掩戶絕賓客，
獨樂園中更幽。

不顯名施板橋壹，
坐在望村內頭。
隨僧□□立石望岩村，
施主王公□馬信馬□□馬□□。

左丞相貞憲王完顏希尹神道碑

高九尺四寸廣四尺五寸兩面刻正面二十七行陰二十四行行五十六字字徑一寸六分正書篆額未見在甯古塔大金故左丞相金源郡貞憲王完顏公神道碑

翰林直學士中大夫知制誥兼行祕書監 虞王府

□輕車都尉□□□開國伯食邑七百戶賜紫金魚袋 臣

王呂奉 敕撰

奉直大夫大名府路兵馬都總管判官□騎尉賜緋魚袋

臣任詢 書

明威將軍東上閣門使兼行 太廟署令上騎都尉□□

□開國子食邑五百戶 臣左履 篆額

今天子紹休

聖緒圖任今太尉

丞相濮國公守道

股肱心膂

亦重其世功耳

上嘗因清燕顧謂丞相曰朕觀

祖宗實錄見乃祖丞

烈深用嘉歎丞相開國莫不竦然推重其世

家而子孟子曰所謂故國者非謂有喬

木之謂有世臣之謂詩武召公維翰

召公是似書曰世選爾勞予不掩爾善茲予大享于先王爾

祖其從與享之宜不然哉故左丞相贈金源郡王

名與昭祖同諱以其賢明

昭祖與之為友國人稱之曰賢某贈開府儀同三司邢

國公祖□遜事□□□□□□□□□□□□□□國公父□篤

事 世肅穆康四朝數有大功見任如手足自 世祖

嘗曰吾有□篤何事不成贈開府儀同三司□□□□□□

□□□□□□過□□ 太祖以祭禮會於移懶河部長神

徒門家因與其兄弟建伐遼之□時王與 明肅皇帝秦

王宗翰皆侍行與哥□□□□□□王以□指結納□江

鐵驪兀惹諸部鐵驪長奪高刺於是獻款曰謹奉約比其還

也師圍圍江州命王以軍□塹因攻克之及出河□□□□

□□□克天輔五年依本國語製字以進 太祖嘉悅賜

襲衣御馬 詔頒行之 皇弟遼王杲□統內外諸軍攻

下中京王與□□□□□□多□招降□□知遼將兵屯襲
擊之將已遁去悉獲其牧園□衆從秦王宗翰駐兵北安□
招集□□□□士□□烈□遽來報附詳□□□□□□
取之□宗翰□□□□□□遼兵拒闕我前軍□□王以
□軍□至戰敗之勦殺其衆□獲其甲冑輜重軍及鴛鴦濼
□王已□□□王□□□急追至白水滌相去不遠遼主□
之以輕騎與戰得其內帑貨□追至乙室王所居之□不及
而還景遣王□諸帥捷奏 太祖□□南路都統招□□
□遷向內地□宜而還 太祖以王從義征以來功多賜
之金器天會二年遼王越在陰山宗翰統諸帥以銳師掩襲

□□□照□爲□□□追甫及之遼主弃營而遁王等以八
騎出軍前窮追日旰復及之遼王帥百餘騎逆戰比昏王之
至□□遼主分三隊而遁□□□使師又襲之於沙漠攻
其不備而及之遼主驚遁惟一二兵從□□□□□□□
王□群侍從與諸部族之人為先□經略使□才西□□□
□路都統初□□□言□遼為援據有天德雲內六館之地
并招□我已獲奚契丹人我方事滅遼姑置之弗取夏□□
所侵求援於我□始□□□□□□□□者辭意不遜王
復書責讓且理索當還之人尚復遷延至克宋建立張楚畫
大河為界遂盡復舊□□還我官民田先□□□□□□□

□□□□□□□□下大舉問罪王與左副元帥宗翰師趣河
東所至城邑關口拒守者攻之降則撫之分道諸將破宋之
諸路援兵先□□原明年將舉師不留□既克汴諸將帥爭
取珍異王獨先收宋圖籍捷奏 太宗嘉其功賜誓券以

寵異之無何宋康王構自立於睢陽我軍□復渡河□□□
□□諸城攻拔者或屠之師次東平王勸宗翰曰此行止為
行耳何多殺為自是攻下者多蒙全釋追至淮陽道精騎逾
淮□□□及揚州構僅以輕舸渡江遁去還軍駐雲中王偕
宗翰如燕就石副元帥□議再□南伐前重九二日王往□
山閱馬道見騎者二人物色頗異□逆戰懼失次搜衣領中

謂是詔意遵之宗磐悉以所獲□□士又□□□太□□

□□□□□□□□□□王爲矯詔訟難于□前王乃

表乞還政帝未有以答太傅進曰希尹自祖宗□

服勞今且有請者正畏□罹罪耳詔□允其請先是儲副

虛位宗磐自□□太宗元子太傅密令左右元帥與王

來朝相與協心主建儲□□立熙宗宗磐心不能無

動帝既即位罷宗磐尚書令以爲□□而相王任政宗

磐知謀出於王憾馬至是交惡深矣會東京留守□□左副

元帥捷懶來朝昏黨附宗磐同力以擠王出爲興中尹宗儁

代□左丞相令人告發王北征日多私匿馬牛羊奏遣使鞠

之無狀告者伏□明年召還拜尚書左丞相封許國公宗磐
蓄不臣心連結黨與宗雋與□同惡王與太傅揣知陰為之
備已而宗磐等反逆事發朝則執之於□□內 詔詰之
伏罪王舉措閒暇而宗磐等已正刑典以定亂功進封陳王
天眷中 車駕幸燕 帝當服袞冕乘玉輅以入后欲
共載王□□曰法駕所以示禮四方在禮無 帝后同輅
者后歲怒未有以□□都元帥宗弼與王因酒有隙方辭還
軍中 帝夜遣使召至諭之曰□尹嘗有姦狀又召
明肅諭以王罪 明肅諫曰希尹自 太祖朝立功且
援立 陛下亦與有力願加 聖念 帝怒甚至拔

劍斥之明且 詔并其二子賜死諸孫獲宥王奕世勲闕
機權方略以戰則克臨事果斷乃能增多前功扶翼 聖
統孜孜奉國知無不為自□后正位中宮以巧慧當 帝

意頗干預外政王杜過其漸每以正理□□由是大忤后旨
得罪曖昧或者以為后之諧焉性尤喜文墨征伐所□儒士
必禮接之訪以古今成敗諸孫幼學聚之環堵中鑿園竇僅
能過飲食先生晨夕教授其義方如此天德初進封豫國王
諡曰□憲以雪其□□正隆二年改封金源郡大定十六年
詔圖像衍慶宮明年配享 太宗廟庭命詞臣□次
之以為銘臣彥潛再拜稽首竊惟

國朝之興由

昭祖以來克篤

前烈至

太祖太

宗受命以有天下

今天子丕承基緒以延功臣之賞王之先自邢公而下世篤忠貞至王則□□□□遂為世家今丞相守道亦克負荷用光輔

興運君臣感遇所從來久矣銘曰

古人有言 所謂故國 非謂喬木 臣食舊德 □□

一門 世濟其美 邢公之孫 戴公之子 維時戴公

碩大孔武 國濟艱難 佑我世祖 肅穆□□

風烈彌劬 矯矯堂堂 王□□□ 武元載旆 從以

周旋 奉命有充 料敵無前 奮銳沙漠 以□□

□ 移檄誚夏 復舊疆土 文烈嗣服 問宋□□

帝命王曰 爾監師征 克汴之日 先收圖籍 明

略□□ 鄴侯自昔 軍中不寔 亡國凶豎 禍心滔

天 陰構□附 王叢摘之 如神之捷 火未及燄

先事撲滅 天眷繼統 與定策勳 創制立法 作

新人文 無何師保 交構內艱 如周管蔡 如漢胥

旦 乃心皇家 繫王之忠 執訊悖逆 繫王之功

王曰子職 惟正之從 私謁不行 豈予□□ 予

職當然 患匪予恤 明明天子 灼見前失 迺命

王孫 仍世作相 無念爾祖 其猷克壯 維其有之
是以然之 死而不亡 於王見之

碑敘事多與史合且多可紆繆補缺處按守道傳大定二
十年修熙宗實錄成帝因謂曰卿祖古新行事有未當者
尚不為隱見卿直筆尋進拜太尉尚書令改授左丞相碑
敘守道官相同又世宗嘗諭守道曰乃祖勲在玉室朕亦
悉卿忠謹即碑上嘗因清燕云云也按罕都原作歎傳祖舒
嚕與昭祖同時同部同名土人呼昭祖曰勇舒嚕呼舒魯
曰賢舒嚕其後別去至景祖時舒嚕之子嚕順舉部來歸
罕都嚕順子世祖初襲節度使罕都事四君出入四十年

征伐之際遇敵則先世祖嘗曰吾有罕都何事不成天會
十五年追贈儀同三司代國公明昌五年贈開府儀同三
司卽碑所敘三代也但立碑時罕都已贈開府儀同三司
史乃云明昌五年此可以證其繆矣又史敘舒嚕無贈開
府儀同三司邢國公事此亦可以補史之缺按實圖美原
石土傳漢字一作神徒門扎蘭路完顏部人世為其部長
弟阿棠美卒終喪大會其族太祖率官屬往焉就以伐遼
之議訪之方會祭有烏自東而西太祖射之卽碑太祖以
祭禮云云也考世紀扎蘭原作耶懶碑作移懶蓋音之轉
惟實圖美傳止弟阿索美一人史云卒會祭之前碑云與

其兄弟建伐遼之議殆不止一弟矣太祖本紀二年九月

進軍甯江州諸軍填塹攻城十一月烏舍

原作兀惹

鐵驪降以

碑證之蓋希尹曾奉命先往結納也鐵驪王史作回鹘保
碑作奪高刺蓋所云者其長即十月來送款之人與十一
月降者係兩人也依本國語製女直字及招降奚部事傳
較碑為詳按遼史天祚本紀保大二年正月金克中京二
月耶律瑪格等將兵屯鴛鴦濼金師敗奚王瑪哈爾於北
安州遂降其城又羅索傳景取中京與希尹等襲走達魯
和尚伊勒希等即碑知遼將兵屯及宗翰駐兵北安事也
又希尹本傳宗翰駐軍降北安州使希尹徑略近地又遼

王杲傳獲護衛耶律實訥埒言遼主在鴛鴦濼畝獵可襲
取之即碑招集至取之云云也實訥埒史原作習泥烈是
碑文烈上缺二字為習泥無疑又希尹本傳遼兵屯古北
口希尹羅索請以千兵破之盡獲甲冑輜重即碑遼兵拒
鬪至獲其甲冑輜重事也又太祖本紀天輔六年三月都
統杲等追遼主於鴛鴦濼遼主奔西京宗翰復追至白水
濼不及獲其貨寶希尹追遼主於伊蘇原作伊蘇室部不及即碑
軍及鴛鴦濼至不及而還云云也又遼王杲傳杲使希尹
等奏捷且請徙西南招討司諸部於內地上嘉賞之即碑
杲遣王至賜之金器云云也惟希尹傳希尹將八騎與遼

主戰一日三敗之在追遼主至伊寶部之前據碑在天會
二年蓋傳之誤也按西夏傳西北西南兩路都統宗翰也
希尹傳宗翰入朝希尹權西南西北兩路都統碑所敘兩
路都統未知何指按北盟會編宣和七年即金天會三年十二月
夏人陷天德雲內河東八館之地初粘罕遣使盧毋使夏
國許割天德雲內武州及河東兜答斯刺曷董野鵲神崖
榆林保大裕民八館約入麟府以牽河東之勢至是夏人
取天德雲內八館又西夏傳初以山西九州與宋人而天
德遠在一隅割以與夏後破宋獲二帝乃畫陝西北鄙以
易天德雲內以河為界即碑據有天德至盡復舊疆事又

太宗本紀天會三年十月詔諸將伐宋宗翰兼左副元帥
希尹為元帥右監軍十二月宗翰圍太原耶律伊都破宋
河東陝西援兵於汾河北即碑宋人踰盟至諸路援兵事
也克汴賜券傳與碑同又本紀天會五年宋康王即位於
歸德又宋史建炎三年二月辛亥金人陷天長軍帝被甲
馳幸鎮江府是日金兵過揚子橋癸丑金人入真州庚午
金人去揚州碑所敘宋康王至渡江遁去蓋即此三年中
事又松漠紀聞余睹姑之降金人以為西京大監軍明年
九月約燕京統軍反時晤室為西監軍微聞其事而未信
與通事同行見二騎馳甚追獲之搜其鞞中得余睹書晤

室即回燕統軍來謁縛而誅之余睹父子以游獵為名遁入夏國不納投韃韃先受晤室命以兵圍之余睹父子皆死凡預謀者悉誅即碑前重九二日以下云云晤室即谷神譯語惟取對音無定字各以所聞者著之故不同耳萌古斯擾邊一事本紀與宗磐希尹傳均未載按大金國志盲骨子契丹謂之勝骨建炎朝野雜記蒙古國在女真之東北唐謂之蒙兀部金謂之萌骨紹興初始叛都元帥宗弼用兵連年卒不能討蓋當時征討不止一次無大勝負故紀傳未載碑特著之者為表乞還政所由本傳止言天眷元年乞致仕又宗磐傳宗磐日益跋扈嘗與宗翰

爭論於上前其後於熙宗前持刀向宗翰非碑文尚存幾
莫知其故矣熙宗本紀天會八年安班貝勒景覺太宗意
久未決十月^平左副元帥宗翰右副元帥宗輔右監軍完顏
希尹入朝與宗幹議曰安班貝勒虛位已久若不早定恐
授非其人即碑儲副^虛位至謀出於王事又希尹傳二年
復為左丞相俄封陳王與宗幹共誅宗磐宗雋據碑誅宗
磐等以定亂功進封陳王則傳稱封王在誅宗磐前者誤
矣車駕幸燕一事紀傳亦皆未載惟熙宗悼皇后傳有干
預政事宗弼傳上幸燕京宗弼見於行在所居再旬宗弼
還軍已啟行四日召還至日希尹誅是希尹之死不特后

之譜宗弼亦與有謀焉考希尹傳皇統三年贈希尹儀同
三司邢國公據碑邢公乃希尹之祖又大定十五年謚貞
憲據碑天德初追封豫王已經于謚又碑大定十六年圖
像行慶宮按薩哈宗雄傳均大定十五年圖像疑皆傳之
誤也又碑前後所謂明肅皇帝者宗幹也按宗幹傳熙宗
即位拜宗幹太傅海陵篡立追謚皇帝廟號德宗大定二
年除去廟號改謚明肅皇帝二十二年追削帝號今碑中
所敘與希尹援立熙宗及謀誅宗磐二事亦宗幹事而文
不曰明肅曰太傅殊不畫一按寰宇訪碑錄金貞憲王完
顏希尹碑在甯古塔大定十六年王彥潛撰任詢書彥潛

無可考任詢字君謨易州軍市人書為當時第一畫亦入
妙品登正隆二年進士第歷益都都司判官北京鹽使中
州集應省掾大名摠幕益都都司判官北京鹽使課殿降
秦州節廳其敎官較傳為詳碑稱大名府路兵馬都總管
判官據百官志皇統五年定判官推官為幕職官也又考
奉直大夫為從六上判官亦從六則騎尉上一字應是飛
字元遺山評任南麓書如老法家斷獄網密文峻未免嚴
而少恩此碑純用平原法一種莊肅氣象令人目悚南麓
蓋詢別字篆額者左姓其名□慶檢金史有左企弓孫名
光慶字君錫以蔭閣門祇候遷西上東上閣門副使再轉

西上東上閣門使兼太廟署令善篆隸尤工大字世宗行郊祀受尊號及受命寶皆光慶篆凡宮廟榜署經光慶書者人稱其有法此額篆法道勁具有斯水法度詢不虛也

李桂林

右完顏希尹碑搨本李子丹同年自瀋陽攜還京因以贈余越兩載始得暇日錄其文紙薄劣有損失字時客粵東馳書子丹又以釋文及後跋寄示跋殆子丹所作也按孫氏寰宇訪碑錄有壯義王完顏公神道碑大定十六年在甯古塔王彥潛撰任詢正書與此碑同而謚則迥異此碑標題貞憲二字完好孫氏不應誤讀子丹

謂訪碑錄有金貞憲王完顏希尹碑云云孫書實無是
條不知因何而誤也孫氏所錄疑別有一碑攷金史完
顏婁室天會八年薨追封莘王正隆間改贈金源郡王
謚莊義與希尹皆配享太宗廟庭莊壯形相近孫錄偶
遺草首歟然則甯古塔有兩完顏碑皆王任二君手筆
子丹方修 盛京志又何以遺之希尹金史有傳本名
谷神史或作晤室今作固新一作古新其曾祖名石魯
今作舒嚕碑以昭祖廟諱未舉祖□遜父□篤並見歎
都傳□篤即歡都今作罕都□遜傳作劼孫今作噶順
譯取音同清濁輕重長短隨地而異故無定字也碑攷

希尹及三代官位勲績皆與史合其間有互異者子丹
攷證詳核茲弗復及扎蘭原作耶懶碑作移懶按太祖
本紀正作移懶奪离刺者太宗本紀天會四年七月以
鐵勒部長奪离刺不從其兄夔里本叛賜馬豕及錢即
其人也夏據天德雲內六館之地見於史者皆作八獨
碑作六字甚顯則碑之誤矣碑不著立石年月但云大
定十六年圖像衍慶宮明年配享太宗廟庭命詞臣□
次之以為銘是碑撰在大定十七年也史敘守道進拜
太尉在大定二十年修熙宗實錄成之後而彥潛於十
七年已稱今太尉左丞相漢國公守道云云碑係是年

奉敕撰撰必不遲至二十年後始成文則其為史家敎事
失次可知也守道封濮國公傳亦脫漏

薊州三泉院公據暨四至題名

高四尺廣二尺三寸上截公據行書下截四至三行題名
十五行字徑七分至九分不一又地畝等四至及地產自
碑右空處錯落雜向在凡二十二行
字徑七分至一寸不等正書在薊州

薊州

□□公據此行字一

泐約八字府衙旨揮奉

尚書下泐約五字

都省劄付□

□□創造寺□神祠等合行禁約奉

聖旨前□為□□□首人等不行覺察□□□言罪名全

月二十□日

□奏□奉

聖旨□□□□創造到冊無名額寺觀等合□罪泐□□

□□□訖神佛容像不忍除毀特許存留罪与免於今□

□□本人科罪□司縣官知而不糾依□制斷罪並□見

任委官拘檢司縣州府分明附籍仍送各州府排立字号

出給□□合同公據付住持人□照用並造合同文簿州

府□□□分印合同字号申部尋下□□常□委官親自

點檢申□除合□□創造寺院管委是端的各得結罪文

□在案今立□字文号除別行外漁陽縣東□上東三泉

院一所合行出給□□者

以上行書
字徑五分

右仰東園上東三泉院住持人收執不得透失

大定二十年四月

日給上二行字
徑一寸

□住持僧

下泐
字徑六分
此行

武略將軍倉同權廳大

忠顯校尉軍事判官高

武功將軍同知軍州事裴滿

以上三行字
徑一寸一分

廣威將軍薊州刺史兼知軍事烏林荅 押

以上
公據

三泉寺古代山林四至具列於後

東至黃草峪南至古道西至分水嶺西下澗北至神樹橫分

水嶺

地產內諸般樹木

此行在首行之右
地字與四字平

王家東□□地二畝油渠東三步地至□家地

此段在
右下角

地產塚臺一段地□□東至馬義陽子南至古道西至張祿

陽子北至墳東北至山張家陽子道務一段六十畝東至山

河南至河西至山北至河寺門前一段荒地東至杏園陽子

南至河西至張家陽子北至寺臺北一段五畝東至陽子

南至□西至王家地北至古道

此段首行在首段末行之下
空三格次行高與首段齊平

三行讓後段標題低八字四行以下讓後
段題名又低七字九行以下又低三字

王家東南北下車道至河

此行在碑左
題名後空處

今具內衆開列于後

叅學沙門

志淵

叅學沙門

志鑑

叅學沙門

志良

叅學沙門

志常

叅學沙門

志閑

叅學沙門

志不

習學沙門

同修

持誦沙門

志義

行
空一

志定

志成

志□

志幽

志璞

志雲

志雪

志琮

志顯

志深

志存

志□

志勤

志寶

志璋

志忍

志純

志青

今具外衆檀越開列於後

王憲

不俱不提行

馬琛 王仲仁 刘成 刘瞻 賈廓 賈全 馬

俊 丁友成 王仲瞻 賈賢 王仲允 王口

史仲元 王子成 安甫 王民 呂全 丁永

全 王子云 口富 馬公臣 宗瞻 史仲淵

安永昌 安永全 馬君和 賈永聚 張興才

呂興順 必永元 必友進 必六見 斬

仲章 高貴

空一行王家東南云
云一行在此下裁

女弟子王阿預施財

乙卯年造 此在左下角乙字之上約有
十字及前一行均為人磨去

灌城曠弥陀庵公據

連額高二尺八寸廣一尺八寸五分十
八行行二十十字字徑八分正書在唐縣

灌城曠弥陀庵公據

使衙

公據

會驗近准刑案開准奉

尚書刑部符節文承

都省劄付脩奉

聖旨創造寺觀神祠然是尽合斷罪仍令除去緣其門有繪
塑訖神佛容像者不忍除毀特許存留其創造罪犯亦与免
放若今後有犯本人科違制司縣官知而不糾依制斷罪仍

並解見任符仰委正官點檢如係自来已有繪塑訖神佛容
像具執結申覆所屬州府附籍排立字号出給圖簽印署合
同公據付住持寺觀人收執照用使衙爲此行下隨司縣委
自正官准口拘刷到有神像寺觀神祠執結保明是實數內
唐縣灌城疇佛堂壹坐內有佛像 僧洪遠住持須合出給

公據者

背字号

右使衙除已附籍施行外今出訖背字号分印合同公據付
唐縣灌城疇 僧洪遠收執照用准

大定二十年六月口口

使

持此
大字

五

八會寺文殊殿碑

高五尺七寸廣三尺三寸五分二十七行行五十字字徑一寸正書在曲陽少容山

□□少容山八會寺文殊殿碑

鄉貢進士中山邱說撰

鄉貢進士汾陽郭德謙書丹

中山李銖篆額

按中山圖□□容山在曲陽南二十里蓋殷女昌容服食隱居之所也而耆舊相傳目爲黃山且云黃石公隱處故山之朝陽淨巖之左有黃公□□焉又云嘗見夢於淨崑院僧普

圓二按婁穴地得石像其言不經故不復述山之巔曰八會
寺肇建於齊周間寺有八院曰上閣院□閣院菩薩院鍾樓
普同資福壽聖等院故請寺名者指以爲八會云歷唐洎五
代院頗殘廢逮宋景德初遭契丹之亂焚藝殆盡□開皇石
經龕巋然存焉天聖明道間年穀屢豐居人稍安富而歸功
釋氏寺宇勃興十族之鄉百家之聚必有精舍而河朔之郊
殿□相望故皇祐初詔佛祠擅興者皆徹毀之是時僧審焉
者有勇力善射又能見鬼神始却群盜鋤榛莽巖棲谷汲仍
八會之故基□□□與殿又因巨壑剡爲大佛像架石爲龕
以覆之且謂少容山能□納雲雨爲一境之望而無像設禱

薦之所廼詣五臺大茂葛洪言□九二十四所請水滯而爲
龍池目曰華嚴集聖池治平熙豐中祈禱輒應故定州路安
撫薛向條其事奏請於朝得錫爵利民俟以□其靈時熙圖
九季也是後每中元日或八月旦歲方有秋縣僚多率吏民
伎樂登山賽謝士女群集爲鄉邑勝遊予少爲兒童時猶及
見其遺俗焉

本朝皇統間真州建塔僧清萬者以寺□南殿議作新之廼
率居人符普光及先人之道友張永實協心同力經營始終
九十季殿成而未有□□爲瞻依之所寺僧寶園者故大師
善智之法嗣也欲補其闕而大備之廼縮衣節食銖積寸累

凡二十三季而造文殊師利大菩薩像及于闐王凡四軀不待三生七十二現而巍二真相如天童子楞伽寶冠五百種色如現金剛頂上又造層閣以護之其樣楠簷楹朱軒旋題金碧璀璨真化人之居也將使速近瞻仰之人覩像而生敬因敬而得悟爲大饒益不可思議功既告成求文於予以記之予視圖頌軀而貌野其言噍訥若不出於口無當世姣姣譽而能鳩資役衆成此大事因緣其中必有過人者因相與攝衣登山瞻仰時容拜稽首而讚之曰

往昔遊多林 善住樓閣中 文殊及眷屬 遊行來人

間 清淨妙好身 天人莫能議 兩行左右路 八步

皆平坦 所住諸道場 十方常隨逐 世主供具雲

諸佛說法光 供養及照曜 無時或暫息 海覺及淨

行 寂慧諸□圖 一歷菩薩尊 聞法得三昧 今我

與衆生 當此末法世 得瞻仁者像 禮拜及圍遶

合掌作□悅 我此幻假身 一切罪業本 六賊不暫

停 諸趣所迷惑 復爲世網纏 云何得解脫 願放

大光明 破我愚癡闇 願澍大法雨 救我貪愛燃

願載大慈航 得渡煩惱海 願被忍辱鎧 降此諸魔

軍 天龍及四衆 神鬼人非人 等於一念間 同得

無生忍

大定二十季歲次庚子秋 月

武功將軍行定州曲陽縣尉驍騎尉僕散

奉直大夫行定州曲陽縣主簿驍騎尉張

昭信校尉定州曲陽縣令雲騎尉不朮魯

僧善賧石匣誌

高一尺七寸廣一尺三寸八
行行十一字字徑九分正書

師諱善賧姓安龍泉人家傳儒素童年遇恩受戒逾七旬而
化二十年後姪興甫立石匣一坐門人惠高惠仲法

弟一名善恒從孫曰吉從孫曰慶從曾孫二人

掌珠 瑣珠

□定二十年中冬朔日建